

親征平定朔漠方略

三

親征平定朔漠方略卷之三

康熙二十三年二月庚子

上遣阿齊圖格隆等賁

勅諭達賴喇嘛先是喀爾喀右翼扎薩克圖汗兩

次陳奏疏言自康熙元年羅卜臧變亂以來

我弟兄子侄多投左翼屢索不還曾往訴達

賴喇嘛蒙諭七旗曰扎薩克圖汗兩七旗當

其尊之。其變亂以來。子弟人民流入左翼者。俱應發還。因差扎爾布奈前來蒞盟。乃土謝圖汗不至。

皇上係我大衆之主。謹以此情上

聞。至是

上念喀爾喀累世恭順職貢有年。不忍其子弟人民離散。遣阿齊圖格隆等賁

勅往諭達賴喇嘛。令其遣使議和。

勅曰。朕統御寰區。願中外無征戰之勞。離散之苦。使群生皆臻安樂。近者喀爾喀扎薩克圖汗屢次疏言。右翼子弟人民離散。奔入左翼。索之未還等語。爾喇嘛從來積大福力。永遠真誠。慈悲濟衆。聲聞炳著。無不欽其高行而讚頌之者。喀爾喀諸汗貝子皆供奉爾喇嘛。信爾之教而尊

其道法。爾於本朝亦誠心敬慎。進貢往來不絕。今天下共享太平。而扎薩克圖汗人民離散。未得完聚。朕心大爲軫惻。念其中必有父子兄弟骨肉分離者。未必不生事互殺。交相戰爭。兵戎一起。姑不論人民困苦。卽兩汗亦豈能並存。伊等於朕向來恭順。竭誠奔走。於爾喇嘛亦爲護法久矣。何忍默視使至此極乎。朕與爾俱當遣

使往諭將扎薩克圖汗離散人民給還俾兩翼
永歸於好既副朕一視同仁之至意而於爾喇
嘛六度之行四無量之心亦符合矣爾喇嘛其
遣大喇嘛一人與朕行人會於喀爾喀境內定
期而遣之朕於此亦遣使臣赴所約之地與爾
使同往。

九月乙亥厄魯特博碩克圖汗噶爾丹遣使

率三千人入貢。噶爾丹遣使古爾班拜等。攜夥伴三千人入貢。帶有印文。理藩院奏請遣官驗其符信以入。毋得過二百人。餘令遣回。上曰。來人浮於定額。着阿爾尼前往酌量議遣。

十一月甲子。厄魯特。噶都台吉。額爾德尼和碩齊。遣使人貢謝罪。噶都台吉疏稱。臣部運衰。遭噶爾丹執臣祖楚呼爾吳巴什。滅臣父。

班第臣時年十三。有陪臣額爾德尼和碩齊
者率臣逃出。遵達賴喇嘛之諭。在厄濟納託
賴之地。與

皇上邊民同居。不謂其妄行劫掠。致干天討。臣常誠
懲之。今已悔過。伏望

聖主鑒宥。額爾德尼和碩齊疏曰。臣之兩諾顏。乃噶
爾丹之叔及弟也。無罪而噶爾丹執之殺之。

既獲我主。何能與之共事。故掠其邊境。奔遁至此。

皇上聖德光昭。臣等本無爲非之心。祇以惜死。遂致草竊。今日夜思維。無所逃於天壤。謹悚惶陳奏於

聖明之前。奏入。得

旨。巴圖爾額爾克濟農。劫掠鄂爾多斯之事。已經

寬免。則憇都台吉屬下額爾德尼和碩齊亦應一體宥赦。所貢准其上納。

十二月庚子。阿齊圖格隆等以達賴喇嘛奏

疏復

命。達賴喇嘛疏曰。謹奏

皇帝陛下。聚無量諸佛之典。一藏兼收。揚上乘文殊之靈。衆生並育。勢如輪轉。仁覃宇內。其喀爾

喀左右翼議好之事。會遣扎爾布奈往盟。始則右翼不從。繼則左翼不服。是以未能協和。但

皇上安集流離使之和好。以衆生父母之心。惻然鑒照。誠善事也。今仰遵

聖旨。復遣參巴陳布庫圖克圖。令於十二月到喀爾喀國定議。謹遣拉木扎木巴羅卜臧諾爾卜

拉通阿旺拉克巴等賫奏以

聞。

康熙二十四年正月甲子以阿齊圖格隆爲
綽爾濟復使達賴喇嘛達賴喇嘛遵奉

勅諭所遣諭和喀爾喀七旗之參巴陳布庫圖克
圖行至歸化城地方病歿。

上復遣阿齊圖格隆等賫

新定平定方略卷之三
六
勅告以故。且以阿齊圖屢使西域有勞。加以綽爾濟之號。

賜達賴喇嘛

勅曰。前因喀爾喀扎薩克圖汗奏陳土謝圖汗許還屬裔而不還。許赴會盟而不赴。朕恐兩翼不和。必致有攻戰之患。離散之憂。特勅諭爾喇嘛。其遣使往彼諭和。爾喇嘛以禮法爲念。以慈悲

爲行。卽遣參巴陳布庫圖克圖前來。朕心嘉之。
特遣大臣往迎。不意參巴陳布至歸化城之布
爾哈素臺病歿。扎薩克圖土謝圖兩汗事究未
得和協。今將仍前遣使爾喇嘛其重遣一人。約
定何地何時會喀爾喀境內。朕亦遣大臣依期
赴所約之地以會。

四月戊戌。授厄魯特伊拉古克三庫圖克圖

爲歸化城掌印扎薩克大喇嘛。

五月癸未。

命議巴圖爾額爾克濟農。羅卜臧滾卜阿拉卜灘
等。歸併安插事。時巴圖爾額爾克濟農。屢疏
請頒

勅印。以約束部衆。院議不允。至是

上諭大學士覺羅勒德洪明珠曰。鄂齊爾圖汗爲噶

爾丹所滅。巴圖爾額爾克濟農等離其故地。來至邊境。劫掠毛明安。吳喇忒。本應殄滅。但若輩皆鄂齊爾圖汗所屬。朕俯念鄂齊爾圖汗世奉職貢。恪恭奔走。兼之彼亦迫於饑渴。是以宥其罪戾。又羅卜臧滾卜阿拉卜灘。係鄂齊爾圖汗之孫。與巴圖爾濟農爲兄弟行。應遣大臣往諭朕旨。相度可居之地。歸併安插。封以名號。給之

金印璽書以示朕興滅繼絕至意其令議之。

七月壬午厄魯特博碩克圖汗噶爾丹爲遣使事覆奏。噶爾丹奏曰。恭聞

皇上萬安。不勝欣悅。此地叨達賴喇嘛福庇。幸得無恙。蒙檄丹巴來文貿易之人。人關定限人數。若妄行果真。

上諭誠是。但自古以來。四厄魯特貿易。向有舊制。我